

EUSKAL HERRIKO GATAZKA BUKATZEKO ERREPRESIOA EZ DELA IRTENBIDEA GOGORATU DUTE MANIFESTARIEK ETA HB-K

Konponbide demokratikoa eskatu dute milaka lagunek Bilbon HBren eskutik

Milaka lagunek Euskal Herriarentzat konponbide demokratikoa eskatu zuten atzo Bilboko kaleetan barrena. HBk deitutako manifestaldiaren burua Arenalera heldu zenean amaiera Zabalburu plazan zen. Konponbide demokratikoa eta presoan Euskal Herriratzearen aldeko oihuak entzun ziren ibilbidean.

G. Agirre-I. Uriarte / Bilbo

MILAKA lagun kaleratu ziren atzo arratsaldean Bilbon konponbide demokratikoaren eskara plazaratzeko, HBk eginiko deialdiari erantzunez. Herri Batasunak deitutako manifestaldia finkatutakoa baino ordu laurden beranduago -5.45etan- ateratu zen Bilboko Aita Donostia plazatik. Manifestaldiaren buruan eta Errepresioa ez da konponbidea. Gerra zikina, torturak, kartzela, hilketak, jipoiak, bortxaketak... pankartaren atzean errepresioaren biktimak zihortzen; atxilotuak, GALEn biktimen senideak, torturatuak... Horien atzean GALEk hildako lagunen argazkiak zeramatzaten beren senitartekoek.

Ikurrin erraldoi eta Utziozue Euskal Herriari bere etorkizuna erabakitzen. Demokrazia Euskal Herriarentzat pankarta handi baten atzean eta Konponbide demokratikoa orain! pankartari eutsiz HBko Mahai Nazional osoa zihotzen. Beraiekin batera espetxetik ateratu berria den Jon Idigoras kartzelaratuta dagoen Mahai Nazionalaren ordezkari gisa. Ibilbidea arnas estuka egin zuen Idigoras inahalagailu batez baliatu behar izan zen behin baino gehiagotan.

Jarraian autodeterminazioa eskubidea, lurraldetasuna, amnistia eta alde hemendik aldarrikatzen zuten pankartak zeramatzaten. Eta horien atzean gaur egun Espainiako espetxeetan preso dauden ehundaka euskal herritarren argazkiak ikusi zitezkeen.

Aita Donostia plazatik ateratu zen manifestaldiaren burua txalo eta Herriak ez du barkatuko oihu artean hartu zuen Autonomia kalearen bi aldeetara bildutako jendetzak. Guztira milaka pertsona izan ziren Herri Batasunaren deiarekin bat egin eta atzo arratsaldean Bilbora hurreratu zirenak.

Ez, ez, ez errepresiorik ez, Independentzia, Irtentzidea da negoziatzia, Euskal presoak Euskal Herria eta Konponbide demokratikoa orain izan ziren manifestariak gehien oihukatu zituzten leloak. Manifestaldiak hainbat geldione izan zituen. Geldiune txiki horiek behin eta berriz aprobetxatu zituzten manifestariak presoak gogoan izan eta Hator, hator etxera abestia kantatzeko.

Mahai nazional espetxeratua eta presoak gogoan • Giro lasaia izan zen manifestaldiko ezaugarri nagusia. Aita Donostia plazatik abiatu zen eta Autonomia, Hurtado de Amezaga eta Nafa-



Milaka manifestari bildu ziren Bilboko kaleetan, eta presoan argazkiak ez ziren falta izan. M. RAMIREZ

Arnaldo Otegi:

«Fraktura soziala bi zatitan banatzen da: alde batetik konponbideak eskaintzen ditugunok, ezker abertzalea buru, eta bestetik egungo egoeran eroso dauden horiek»

rrua kaleak zeharkatu ostean, Arenalera bukatu zen. Arratsaldeko 18.35etan manifestaldiaren burua San Nikolas eliza aurrera

heldu zenean, amaiera Zabalburu enparantzan zegoen.

Manifestazioaren amaiera Arenalera hurreratu ahala, Jon

Maia, Xabier Arriaga, Haritz Lopategi eta Onintza Enbeitak bertsoz agurtu zuten jendea. Ondoren, Arnaldo Otegi Mahai Nazionalako kide eta bozeramailea, eta Jon Idigoras buruzagi historikoa izan ziren hizlari. Idigoras txalo zaparradaren artean hartu zuen jendeak berak ukabilar goian eusten zion bitartean.

Otegi manifestaldiaren buruan lehen lerroan joan ziren GALEk hildakoen senitartekoak

aipatu hasi zuen bere mintzaldia. Ostean, Inaxi Zeberio Gernikan Ertzaintzak hildako ETAKidea eta egun preso dagoen Mahai Nazionala eta kartzelan dauden euskal gudariak gogoratu zituen.

Jon Idigoras, bestalde, Mahai Nazional espetxeratuen izenean egungo Mahai Nazionala babestu eta zoriondu zuen. Berak nabarmendu zuenez, Mahai Nazionalakideak «lan fina eta ona egiten ari dira».

HBk akordio nazionalerako deia zabaltu du

Iñaki Uriarte / Bilbo. - Herri Batasunak Euskal Herrian bakea eta erakuntza ekar dezakeen akordio nazionalerako deia zabaltu zien abertzale eta aurrerakoi guztiei. Akordio nazional horrek hiru zutabe izan ditzakeela iradoki zuen: «lurraldetasuna eta hitza Euskal Herriari ematea, proiketu nazional batetarako zutabe garrantzitsuenetan abertzale eta aurrerakoiaren arteko lehiarik ez, kolaborazioa esparruak bihurtu ahal eta behar ditugu euskara, ekonomia defentsa, gure hezkuntzaren defentsa, gure lurraldetasunaren defentsa», esan zuen Otegi bilboko manifestazioaren amaieran.

San Nicolas elizaren aurrean jarritako taulatutik Herri Batasunako bozeramaileak ukatu egon zuen erakunde horrek klabe abertzalean eskaintzen dituen konponbideak. «Herri Batasunak gatazka gainditzeko planteatzen duen eredu ez da eredu abertzalea, eredu demokratikoa da. Beraz, demokraziari diote beldurra jakin badakitelako Hego Euskal Herriko gehiengo soziala ez dela nazionalista espainiarra, ez dela eskubitarra». Ildo berean, «bere ahotan askotan entzungo duzue demokrazia eta gehiengo parlamentarioaz hitz egiten, baina euskal gehiengo soziala operatibo egiten

denean politikoki kristorenak eta bi esaten digute Euskal Herriaren hitzari beldur diotelako», gaineratu zuen Otegi.

Arnaldo Otegi ukatu egin zuen ezker abertzalea mendeku bila dabilenik, «ez gaude mendeku bila, ezker abertzalea, Herri Batasuna, esperantzaren mezulari da zeren mendekurik hoberena da lortuko duguna, Euskal Herria independente eta sozialista egitea». Duela urte bete «A por ellos, oihu faszista» moda jarri bazen ere, HBk horren orde «haren bila, askatasunaren bila» joateko deia zabaltu zien abertzaleei.

Euskal Herria zatiturik badago, Otegi esanetan, ez da biolento eta

demokraten artean, «Euskal Herrian fraktura sozialik badago ez da horrela sailkatuta. Euskal Herrian nazionalista espainiarrak daude, nazionalista espainiar bortitzak eta beste alde batetik euskal abertzaleak. Eta egun ez da hori bakarrik, gaur dagoen fraktura soziala bi zatitan banatzen da: alde batetik konponbideak eskaintzen ditugunok, ezker abertzalea buru, eta bestetik egungo egoeran eroso dauden horiek».

Mahai Nazionalaren izenean «zorionik beronenak» luzatu zizkion irlandar mugimendu errepublikarrari, hauteskundera emaitzangatik.

Jon Idigoras agerral-

diak arratsaldeko txalorik handienak bildu zituen. Kartzelan dagoen Mahai Nazionalaren izenean, egungo mahaikideei babesa eta esker ona helarazi zien Idigoras «lan fina eta ona egiten ari direlako».

Preso politiko guztiak gogoan izan zituen Idigoras esanetan, ezker abertzaleak orain ez du arrazoi soilik, indarra ere baduelako. «Gehiengo gara Euskal Herria egoera honi irteera bakesua eta demokratikoa emateko gaudenak», nabarmendu zuen. Idigoras mezua baikorra eman nahi izan zien bildutakoek: «ez dugu beldurrik izan behar, geroa gure eskutian dago». X